



Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Sexta Conclusio. Quamuis de iure fieri id non poßit, tamen in multis locis
praxis contrarium seruat, quod in enormissimis criminibus, & grauibus
maleficijs pro varietate circunstantiarum aliquando ...

urn:nbn:de:hbz:466:1-41113

ſentent. §. fin. pract. crim. q. 51. num. 15. iudicat.
 Ratio communiter à DD. assignatur, quia cri-
 men & pœna per mortem extinguitur ex d. L.
 defuncto. quæ communis Conclusio est, ut
 post Cagnol. in L. pupillam qui. §. in hæredes.
 ff. de regul. iuris refert Clarus in d. q. 51. num.
 12. Vnde quidam ex Doctoribus reprehēdunt
 practicam contrariā, & dicunt, afflētores posse
 conueniri actione iniuriarum, qui corpora
 defunctorum faciunt suspendi, aut cremari:
 cū inferant iniuriam defuncto, & per conse-
 quens eius hæredibus.

Sexta Conclusio. *Quamvis de iure
 fieri id non possit, tamen in multis locis pra-
 xis contrarium seruat, quod in enormissimis
 criminibus, & grauibus maleficis pro varie-
 tate circumstantiarum aliquando cadaveræ
 suspendantur, aut afficiantur pœna, qua-
 reus, si morte præuentus non fuisset, punitus
 extitisset.*

HANC tenent Bald. Decius, & Iaso in d. L.
 2. C. Quitestam. fac. poss. Marsl. in L.
 quæſtionis modum. ff. de quæſt. Imol. in d. L.
 Defuncto, Gomez. Menoch. & alijs pluribus
 enumeratis Iul. Clar. locis cit. Sic Gomez. ait se
 vidisse practicari in ciuitate Salmaticensi, vbi
 quidam forensis voluit & tentauit habere ac-
 cessum ad puerum, & cum eo committere pec-
 catum

catum contra naturam, & ex indicijs captus fuit, & in carcere se suspendit, & statim publicè ductus est per ciuitatem, & vias publicas, & tandem concrematus fuit. Alia exempla refert etiam Clarus. Propter facti memoriam, & aliorum terrorem consideratis circumstantijs rerum & personarum conuenit aliquando huiusmodi statuere exempla in eos, qui se ipso conscientia sceleris commissi interficiunt, ut euitent pœnam ignominiosam in publico loco inferendam; quiq; ita miseri sunt atq; ceci, quod pluris faciant honorem, quem iam sceleris ratione amiserunt, quam animæ & corporis salutem perpetuam, quam de facto amittunt, dum corpus & animam simul interficiunt.

Cohibentur ergo non raro aliqui, ne sibi mortem confiscant, dum aliorum exemplo animaduertūt, etiam post mortem propriam decerni pœnam, & maximam etiam ignominiam inferri corpori mortuo, ad dedecus proprium & amicorum. Ad hoc argumentum illustrandum, facit illud, quod de Milesiorum virginibus memoriae prodiderunt, Plutarch. de claris mulieribus, lib. 10. & Gellius noct. Attic. lib. 15. cap. 10. Cùm enim Milesiorum virgines sine vlla euidenti caussa voluptate obeundæ mortis capte essent, sicque plurime vitam suspendio proderent, nec statim finis huic malo imponeretur, vt remedium adhiberent,

serent, Milesij statuto decreuerunt, vt virgines, quæ corporibus suspensi interirent, omnes nudæ, cum eodem quo essent suffocatæ atq; præcinctæ laqueo, efferrentur. Deinde huiusmodi decreto publicato, virginem amplius voluntariam non inferebant mortem, solo pudore deterritæ tam ignominiosi funeris. Nec mirum videatur, quod hæc practica non sit iuri conueniens; quandoquidem propter enormitatem criminis, & in terrorem aliorum licet quandoq; iura & leges transgredi, vt multis tradunt Bald. in Authen. Sed nouo iure. C. de seruis fugit. & auctores in addit, ibidem, & latius alijs Andr. Barbatius in cap. 1. de constit. ànum. 155. Marsil. in L. Vnius. §. Cognitum. ff. de quæst. & in singulari 601. vbi ait: Enormia talis esse naturæ & importantiæ, quod alterent dispositionem statutorum & iuris communis. Nec illud prætereūdum est, quod Athenientes, cùm necem sibi quisquam manu propria consciuisset, defuncto cadaueri manum tanquam facinorosam abscedebant, illamque abscissam corpore, inhumatam relinquebant, reliquum verò cadauer humo tegabant, & sepeliebant, vt meminit AEschines in oratione aduersus Ctesiphontem, & post eum Alexander ab Alexand. Genial. dier. lib. 5. cap. vlt. prope finem. Andreas Tiraquell. ibid. in annotat. & in lib. de nobilitate, cap. 31. & Menoch. in d. lib. 2. casu 284. num. 5. Detestanda

Tt est

658 COMMENT. IN TIT. C.

est etiam quorundam amicorum & sanguine
iunctorum crudelitas, & audacia, qui curant
sibi vinculo sanguinis obligatos, ob crimina
capitalia morte digna in carcerebus detentos,
veneno ad bibendum, aut comedendum da-
to, necari, ne ignominiosè publicam poenam
subeant. De quibus Bald. & Ias. in L. i. C. qui
testam facere possunt Marsil. in singulari 150.
Menoch. in d. cas. 285. à num. 5.

LEX VI.

*Multi magicis artibus usi elementa
turbare, vitam insontium labefactare non
dubitant, & manibus accinctis audet ven-
tilare, ut quisque suos conficiat malis artibus
inimicos. Hos, quoniam naturæ peregrini
sunt, feralis pestis absumat.*

HAEC Lex est etiam Imperatoris Con-
stantini ad populum: Vnde eruitur,
opera maleficorum, quæ nostri confe-
tentur se commisisse, non esse noua, sed etiam
antiquitus magos fuisse & maleficos in mag-
no numero, qui similia fecerunt, & cum Dæ-
monibus contra hominum salutem conspi-
rauerunt. Et aduertendum ex hac etiam le-
ge, maleficos magicis artibus, & non natu-
ralibus nocere: atque (ut hoc etiam anno-
tem,